

# Script of Evening Gojri News Bulletin

20 August 2024 at 1700 Hrs

ایوننگ گو جری نیوز بلیٹن مورخہ 20 اگست 2024

\*\*\*\*\*

یوہ آکا شوانی جموں ہے محمد مبارک ماہر تے ظفر

اقبال تیں خبر سُنو۔ پہلاں خاص خاص خبر۔

\*\*\*\*\*

\*1۔ بھارتیہ چناؤ کمیشن نے جموں کشمیر مانہ انتخابات  
غا پہلا مرحلہ واسطے نوٹیفکیشن جاری کی ہے نامزدگی  
دائر کرن غی آخری تا ریخ 27 اگست تے چناؤ 18 ستمبر  
نانہ کرایا جائیں گا۔

\*2۔ بھارت تے ملیشیا نے اپنی بہتر حکمت عملی غی  
شراکت داری نانہ جامع شراکتدار تک بدھان با رے  
فیصلو کیو ہے۔

\*3۔ صدر جمہوریہ درویدی مرمو نے قدرتی آفات مانہ  
جانی نقصان نانہ کہٹ کرن غا سلسلہ مانہ پیشنگوئی غا  
نظام نانہ بہتر بنان با رے مطالبو کیو ہے۔

\*4۔ تے عدالتِ عظمیٰ نے طبی پیشہ ور افراد غی  
حفاظت نانہ یقینی بنان خاطر قومی ٹاسک فورس قائم کی  
ہے۔

\*\*\*\*\*

خبراں غی تفصیل نال پہلاں ظفر اقبال۔

\*\*\*\*\*

## Notification JK

بھارتیہ چناؤ کمیشن نے اج جموں کشمیر مانہ اسمبلی انتخابات غا پہلا مرحلہ با رے نوٹیفکیشن جا ری کر دی ہے۔ اسمبلی انتخابات غا پہلا مرحلہ مانہ 24 اسمبلی حلقاں مانہ انتخابات کرایا جا ئیں گا جن مانہ پلوامہ، اننت ناگ، شوپیاں، کلگام، رامبن، کشتواڑ تے ڈوڈہ ضلع شامل ہیں۔ مذکورہ ضلعان مانہ 18 ستمبر نانہ ووٹ کھلیا جا ئیں گا۔ نوٹیفکیشن غے مطابق ان نشستان غا امید وار 27 اگست تک کاغذات نامزدگی جمع کرا سکیں جد کہ کاغذات نامزدگی غی جانچ پڑتال 28 اگست نانہ وے گی۔ انتخابی ٹیم نے 30 اگست امید واری واپس لین با رے آخری تاریخ مقرر کی ہے۔ ات وادی کشمیر غا 16 اسمبلی حلقاں مانہ وی پہلا مرحلہ مانہ چناؤ کرایا جا رہیا ہیں۔ ان اسمبلی حلقاں مانہ پانپور، ترال، کلگام، پلوامہ، راجپورہ، زین پورہ، شوپیاں، ڈی ایچ پورہ، دیوسر، ڈورو، ککرناگ، اننت ناگ مغرب، اننت ناگ، سرگفوارہ، بیجبھاڑہ، شانگس، اننت ناگ مشرق تے پہلگام شامل ہیں جد کہ جموں خطہ غا پہلا مرحلہ مانہ 8 اسمبلی حلقاں مانہ انتخابات کرایا جا ئیں گا۔ یہ 8 انتخابی حلقہ اندروال، کشتواڑ، پاڈر ناگسینی، بہدرواہ، ڈوڈہ، ڈوڈہ مغرب، رامبن تے بانہال ور مشتمل ہیں۔ واضع رہ جے ان حلقاں مانہ ووٹ کھلن غو ویلو سویرے 7 بجے شروع ہو غے شام 6 بجے تک رہ گو۔

\*\*\*\*\*

## DEO Kishtwar

ضلع ترقیا تی کمشنر کشتواڑ راجیش کمار شاون جھیڑا  
جے ضلع غا چناؤ افسر وی ہیں نے گذشتہ کل برائے  
راست ضلع غا تمام تر بوتھ سطح گا افسراں سنگ اک  
میٹنگ غو انعقاد کر غے چناؤ با رے گل بات کی۔ جناب  
راجیش نے تمام ضلع غا بی ایل اوز نانہہ کہیو جے وے  
آن آلا اسمبلی چناؤ مانہہ اپنی ذمہ داریاں نانہہ نبھاویں۔ یاہ  
رہ جے ضلع کشتواڑ مانہہ 18 ستمبر نانہہ اسمبلی چناؤ  
کرایا جائیں گا۔ اجلاس مانہہ ضلع غی تریاں اسمبلی  
حلقاں غا بی ایل اوز جن مانہہ اندروال 48، کشتواڑ 49  
تے ناگسینی پاڈر 50 اسمبلی حلقہ موجودتھا نال وی گل  
بات کی گئی۔ ضلع انتخابی افسر نے افسراں نانہہ کہیو  
جے وے معزور افراد، قبائلی طبقہ تے بزرگاں غا ووٹ  
کہن با رے خاص خیال رکھیں۔ انہاں نے تمام افسراں  
نانہہ کہیو جے وے سویپ مہم غے تحت تمام لوکاں مانہہ  
ووٹ کہن با رے بیداری عام کر غے زیا دہ توں زیا دہ  
تعداد مانہہ لوکاں غی پولینگ بوتھ ور حاضری نانہہ  
یقینی بناویں۔

\*\*\*\*\*

## DEO Ramban Meet

ضلع چناؤ افسر رام بن بصیر الحق چودھری نے گذشتہ  
کل افسراں غی اک میٹنگ طلب کر غے ضلع مانہہ ہون  
آلا اسمبلی چناؤ 2024 غی تیاریاں با رے جائزو لیو۔  
اس میٹنگ غو مقصد ضلع مانہہ اسمبلی چناؤ نانہہ صاف

و شفاف طریقہ سنگ انجام کرانو ہے۔ ضلع چنؤ افسر نے بھارتی چنؤ کمیشن غی طرفوں جا ری کی گئی ہدایات تے ضابطہ قوانین جس مانہ تمام چنؤ لڑن آلا آزاد امید وار تے سیا سی جماعتاں سنگ منسلک امید وار شامل ہیں اُن نانہ جانکا ری فراہم کرنو تھو۔ اس سلسلہ مانہ انہاں نے ضلع غا بکھ بکھ محکماں نانہ اُن غی چنؤ مانہ ذمہ داریاں نانہ دسیو بھالیو۔ ضلع چنؤ افسر نے اُن آلا اسمبلی چنؤ غے پیش نظر ضلع مانہ حفاظتی صورتحال، گڈیاں، تربیت کاراں تے چنؤ مرکز غا بندوبست با رے وی جائزو لیو۔ چنؤ افسر نے نگرانی ٹیم تے فلا ٹینگ سکاڈ نانہ کمیشن غی ہدایات غے مطابق کہیو جے وے تمام تر غیر قانونی حرکت کرن آلا افراد ور ضلع مانہ چنؤ غے دوران نظر رکھیں۔

\*\*\*\*\*

## India Malasia

بھارت تے ملیشیا نے محنت کش، روزگار، آیوروید، رسمی دوائیاں، ڈیجیٹل تکنیک، سیاحت تے نوجواناں غی کھیل کو د مانہ شرکت کرن با رے اک اقرار نامہ ور دستخط کیا ہیں۔ دوہاں مُلکاں نے عوامی انتظامیہ تے اک دوجا سنگ بہتر میل ملاپ رکھن با رے وی دستخط کیا ہیں۔ قابل ذکر ہے جے یہ دستخط وزیر اعظم نریندر مو دی غا اُن گا ملیشیا گا ہم منصب ڈاٹو سری انور بن ابراہیم سنگ دوہاں مُلکاں غا وفد غی گل بات ہون غے بعد دستخط ہوا ہیں۔ جناب مو دی نے کہیو جے دوہاں

مُلکاں گے بشکار کم کرتاں 10 سال مکمل ہون جا رہیا  
ہیں۔ انہاں نے مزید کہیو جے گذشتہ 2 سالان مانہہ دوہاں  
مُلکاں نے نوی طاقت تے نوی طرز ور کم کیو ہے۔ وزیر  
اعظم مو دی نے نوی تکنیک غے ذریعے کم کرن با رے  
کہیو جے دوئے مُلک نوی تکنیک غے تحت فن ٹیک،  
سیمی کنڈیکٹر دفاعی کا رخانہ، ذہانت تے قوانٹم تکنیک  
ور کم کریں گا۔ ملیشیا غا وزیر اعظم نے کہیو جے دوہاں  
مُلکاں نانہہ بہت سارا نویں پا سین کم کرنو ہے۔ اپنی  
تقریر غے دوران جناب ابراہیم نے کہیو جے بھارت اک  
عظیم مُلک ہے جس غی اپنی اک تاریخ تے پشان ہے۔

\*\*\*\*\*

## India Japan Dialogue

بھارت تے جاپان غے بشکار دو جمع دو وزارت غی گل  
بات اچ شام نوی دہلی مانہہ شروع وے گی۔ اس گل بات  
مانہہ وزیر دفاع راجناتھ سنگھ تے وزیر خارجہ ڈاکٹر  
ایس جے شنکر اپنا جاپان غا ہم منصب سنگ گل بات  
کریں گا۔ اس میٹنگ غا حاشیہ ور بھارت غا وزیر دفاع  
راج ناتھ سنگھ تے جاپان غا اُن گا ہم منصب کہارا منرو  
دوہاں مُلکاں غی اک باہمی میٹنگ مانہہ وی شرکت کریں  
گا۔ اس باہمی میٹنگ مانہہ دوہاں مُلکاں غا مزید تعلقات  
نانہہ ڈونگا کرن با رے وی گل بات کی جائے گی۔ دوہاں  
مُلکاں غا وزیر اپنا علاقان تے عالمی سطح گا مسئلہ ور  
وی گل بات کریں گا۔ قابل ذکر ہے جے دوہاں مُلکاں غی

اس باہمی میٹنگ تیں پہلاں مُلکِ غا وزیرِ اعظم  
نریندر مو دی جاپان غا وزیراں سنگ ملاقات کریں گا۔

\*\*\*\*\*

## Buddha Amarnath Yatra

بڈھا امرناتھ جی سالانہ یا ترا اج اختتام پزیر ہوئی۔ اس  
یا ترا مانہ بھگوان شیو غی پو تر چھڑی مبارک واپس  
شری دشمنی اکھاڑہ مانہ 3 تہاڑاں توڑی شری بڈھا  
امرناتھ جی غا مندر مانہ رہن توں بعد واپس پُجی۔ مذہبی  
نعران نال سوامی ویشووتا نند سرسوتی جی نے چھڑی  
مبارک اپنا ہتھان مانہ لے غے چھڑی ویدیا پوجا کی تے  
اس تیں بعد چھڑی مبارک نانہ سوامی جی نے ہزاراں  
لوکاں سنگ پیدل مار چ کر غے واپس دشمنی اکھاڑہ  
مانہ پجائی۔ قابلِ ذکر ہے جے اس یا ترا مانہ ہر مذہب  
توں تعلق رکھن آلا لوکاں نے شرکت کر غے آپسی بھائی  
چارہ غی مثال پیش کی۔ اس سلسلہ مانہ مہارا ضلع  
نمائندہ نال گل کرتاں وان سوامی ویشووتا نند سرسوتی  
جی مہاراج نے اس طرح کہیو۔ بائٹ۔

\*\*\*\*\*

یہ خبر تم آکاشوانی جموں تیں سُن رہیا ہیں خبراں غا با  
قی حصہ نال محمد مبارک ماہر۔

## Prez Geoscience Award

صدرِ جمہوریہ درویدی مرمو نے مُلکِ غا پیشنگوئی  
نظام نانہ موثر بنان غی لوڑور زور دیتاں وان کہیو کہ  
اس غا بہتر ہون نال قدرتی آفات غی وجہ تیں ہون آلا

جانی نقصان نانہہ کہٹ کیو جا سکے۔ یاہ گل اُن نے اج راشٹر پتی بھون مانہہ قومی جیو سائینس اعزاز پیش کرن تیں بعد اجتماع سنگ خطاب کرتاں واں کہی۔ اُن نے کہیو جے مُلک غا بکھ بکھ حصہ زمین کھسک غے پسی پین تے سیلاب جیسی آفاتاں نال ہون آلا جانی نقصان نانہہ کہٹ کرن غا سلسلہ مانہہ اک قومی مرکزی کو لکتہ مانہہ قائم کیو جا رہیو ہے۔ جس غو مقصد مذکورہ آفاتاں تیں شکار تمام ریاستاں نانہہ ویلے سر آگاہ کیو جا سکے۔ صدر جمہوریہ نے کہیو جے بھارت نانہہ 2047 تک اک ترقی یافتہ مُلک بنن غا سلسلہ مانہہ معدنیات غی پیداوار مانہہ خود انحصار کرنو ضروری ہے۔ اُن نے کہیو جے اس ضمن مانہہ مچ سارا قدم چایا گیا ہیں۔ صدر موصوفہ نے کہیو کہ مُلک مانہہ جھیڑی اصلاحات تے اختراعات کی جا رہی ہیں وے نہ صرف اقتصادی ترقی نانہہ باہدو دے رہی ہیں بلکہ ماحولیاتی تحفظ وری اپنی توجو مرکوز کیاں واں ہیں۔ صدر جمہوریہ نے 12 زُمران مانہہ 21 جیو سائینسدانان نانہہ قومی جیو سائینس اعزاز پیش کیا۔ قومی جیو سائینس اعزاز جغرافیائی سائینس غا شعبہ مانہہ سب تیں پُرانو تے باوقار قومی اعزازاں وچوں اک ہے۔ جس نانہہ وزارت کان کنی نے سال 1966 مانہہ قائم کیو تھو۔ ان اعزازن غو مقصد بکھ بکھ شعبان مانہہ غیر معمولی کامیابیاں تے نمایاں خدمات واسطے افراد اور ٹیمان نانہہ نوازنو ہے۔

\*\*\*\*\*

## SC Kolkata Murder

عدالتِ عظمیٰ نے طبی پیشہ ور افراد غی حفاظت نانہہ یقینی بنان غا سلسلہ مانہہ اک قومی ٹاسک فو رس قائم کر دتی ہے۔ چیف جسٹس ڈی وائی چندر چوڈ غی قیادت آلی بنچ نے کولکتہ غا اک ہسپتال مانہہ ڈاکٹر غی عصمت دری تے قبل گا معاملہ غی سماعت کرتاں واں ٹاسک فو رس نانہہ 3 ہفتاں غے اندر حتمی رپورٹ پیش کرن غی ہدایت دتی۔ چیف جسٹس نے کہیو کہ عدالت مُلک پھر غا ڈاکٹراں ور مشتمل اک قومی ٹاسک فو رس تشکیل دے رہی ہے تا نجبے خواتین غی حفاظت نانہہ یقینی بنان خاطر مُلک پھر مانہہ عمل کرن غا طریقاں غا بارا مانہہ سفارشات فراہم کی جا سکیں۔ مُلک پھر مانہہ ڈاکٹراں تے طبی پیشہ ور افراد غا کم کرن غا غیر محفوظ ماحول ور ڈونگی تشویش غو اظہار کرتاں واں عدالت نے کہیو کہ موجودہ قوانین ڈاکٹراں غا ادارہ جاتی تحفظ نانہہ مناسب طریقہ سنگ حل نہیں کرتا۔ عدالت نے دعویٰ کیو کہ اس نے کولکتہ غا آر جی کار میڈیکل کالج ہسپتال مانہہ اک ڈاکٹر غی عصمت دری اور قتل غا سلسلہ مانہہ خود ہی مقدمو شروع کیو ہے۔ تا نجبے نظامی مسئلاں نانہہ حل کیو جا سکے۔ عدالت نے زور دیتاں واں کہیو کہ قوم اک ہور عصمت دری تے قتل غو انتظار نہیں کر سکتی۔ مذکورہ ٹاسک فو رس مانہہ سرجن وائس ایڈمرل آر سرین، ڈاکٹر ڈی ناگیشور ریڈی، ڈاکٹر ایم شرینواس، ڈاکٹر پریتما مورتی، ڈاکٹر گووردھن دت پوری، ڈاکٹر سومترا راوت



تے دہلی ایمز تیں پروفیسر انیتا سکسینہ تے ڈاکٹر پدما سر ی واستو تیں علا وہ ممبئی گرانٹ میڈیکل کالج غی ڈین پروفیسر پلوی سپرے شامل وین گی۔ بنچ نے یوہ وی کہیو ہے کہ کئی ساری ریا ستاں جس طرح جے مہا راشٹر، کیرلہ، تلنگانہ وغیرہ نے ڈاکٹر غے خلاف تشدد سنگ نمڑن با رے ریا ستی قانون بنایا وی ہیں پر یہ قانون ادارہ جاتی حفاظتی معیار مانہ کمی نانہ دور نہیں کرتا۔

\*\*\*\*\*

## Tribute CRPF

سی آر پی ایف نے انسپکٹر کلدیپ کمار نانہ خراج عقیدت پیش کیو۔ جہیڑا کل ادھم پور ر ضلع مانہ دہشت گرداں غا حملہ مانہ شہید ہو گیا تھا۔ حکام غے مطابق ضلع غا بٹل بالیاں مانہ سی آر پی ایف غی 187 وین بٹالین گا صدر دفتر مانہ پھول چڑھان غی تقریب منعقد ہوئی۔ جس مانہ ایڈیشنل ڈائریکٹر جنرل سی آر پی ایف امرت موہن پرساد تے بکھ بکھ حفاظتی دستاں گا دوجا اعلیٰ عہدیداراں غے نال نال سول انتظامیہ، فوج تے پولیس غا کئی افسراں نے انسپکٹر کمار نانہ خراج عقیدت پیش کیو۔ اُن غی جسد خاکی نانہ اُن غا آبائی مقام ہریانہ روانہ کر دتو گیو ہے۔ کمار اُس ویلے شہید ہوا جد دہشت گرداں نے گذشتہ روز ادھم پور ر ضلع غا چھیل ڈوڈو علاقہ غا دور دراڑے علاقہ مانہ گشتی پارٹی ور گو لی چلائی۔ ٹاکرا غا مقام وروں فرار ہون آلا دہشت

گرداں غو پتو لان خاطر بسنت گڑھ علاقہ اُدھم پور  
ضلع غا چھیل ڈوڈو پٹی مانہ تلاشی مہم جاری ہے۔  
\*\*\*\*\*

اس غے نال ہی خبراں غو یوہ بلیٹن ختم ہوؤ۔